




**ԿԱՅՈՒՆ
ԶԱՐԳԱՅՄԱՆ
ՆՊԱՏԱԿ 16**

**ԻՐԱԿԱՆԱՅՄԱՆ
ԱՌԱՋԸՆԹԱՅԸ
ՀԱՅԱՍՏԱՆՈՒՄ
2019-2023**



Շվեդիա
Sverige



ԹՐԱՆՍՓԱՐԵՆՍԻ
ԻՆԹԵՐՆԵՇՆԼ
հակապտույտագիտական կենտրոն

Սույն գեկույցը մշակվել է Թրանսփարենսի Ինթերնեշնլ հակապտույտագիտական կենտրոն ՅԿ-ի կողմից՝ Շվեդիայի կառավարության աջակցությամբ:

Բովանդակության համար պատասխանատվություն են կրում հեղինակները, և պարտադիր չէ, որ այն արտահայտի Շվեդիայի կառավարության տեսակետները:

ԿԱՅՈՒՆ ԶԱՐԳԱՑՄԱՆ ՆՊԱՏԱԿ 16. ԻՐԱԿԱՆԱՑՄԱՆ ԱՌԱՋԸՆԹԱՑԸ ՀԱՅԱՍՏԱՆՈՒՄ 2019-2023

Գլխավոր հետազոտող՝ Անուշ Հակոբյան

Ներգրավված փորձագետներ՝ Արմեն Խուրադերյան, Վարուժան Հոկտանյան,
Վարդուհի Ավանեսյան, Տիգրան Մուղնեցյան, Սոնա Այվազյան

ISBN: 978-9939-1-1871-0

© Թրանսփարենսի Ինթերնեշնլ հակապտույտագիտական կենտրոն
www.transparency.am

Երևան
Հունիս 2024

ՀԱՄԱՌՈՏԱԳԻՐ

Սույն զեկույցը կազմվել է «Թրանսփարենսի Ինթերնեշնլ հակակոռուպցիոն կենտրոն» հասարակական կազմակերպության (ԹԻՀԿ) կողմից՝ հիմնվելով «Թրանսփարենսի Ինթերնեշնլ» կազմակերպության (ԹԻ) մեթոդաբանության վրա, որն առաջարկում է այլընտրանքային մոտեցում Միավորված ազգերի կազմակերպության (ՄԱԿ) Կայուն զարգացման նպատակներից (ԿՁՆ) 16-րդի՝ «Խաղաղություն, արդարություն և ամուր հաստատություններ» նպատակի առաջընթացը գնահատելու համար:

Չեկույցը կարող է օգտագործվել Հայաստանի ազգային կամավոր գնահատման երրորդ զեկույցի մշակման գործընթացում՝ ի լրումն պաշտոնական տվյալների՝ օգնելով կառավարությանն ապահովել ԿՁՆ ազգային օրակարգի նկատմամբ ամբողջական մոտեցում: Բացի այդ, այն կարող է դիտարկվել որպես այլընտրանքային զեկույց՝ ի հավելումն 2024 թվականի հուլիսին կայանալիք ՄԱԿ-ի Բարձր մակարդակի քաղաքական ֆորումում Հայաստանի ազգային կամավոր գնահատման համար ներկայացվող պաշտոնական զեկույցի:

Հետազոտությունը կենտրոնանում է ԿՁՆ 16-րդի հակակոռուպցիոն օրակարգին վերաբերող թիրախներին, որոնք են 16.4-ը՝ «Ֆինանսների ապօրինի հոսքեր», 16.5-ը՝ «կաշառակերություն և կոռուպցիա», 16.6-ը՝ «թափանցիկ և հաշվետու ինստիտուտներ» և 16.10-ը՝ «տեղեկատվության հասանելիություն»՝ ընդամենը 19 ցուցանիշի և 160 հարցի հիման վրա գնահատելով երկրի կատարողականը 2019-2023 թվականների ընթացքում:

Հայաստանը զգալի առաջընթաց է գրանցել հակակոռուպցիոն քաղաքականության և ինստիտուտների զարգացման առումով՝ չնայած 2019-2023 թվականների ընթացքում երկրի առջև ծառացած բազմաթիվ մարտահրավերներին: Ներկայումս ևս իրականացվում են մեծածավալ բարեփոխումներ, որոնք նախատեսված են Հակակոռուպցիոն ռազմավարությամբ և դրա 2023-2026 թթ. միջոցառումների ծրագրով, Դատական և իրավական բարեփոխումների ռազմավարությամբ և դրա 2023-2025 թթ. միջոցառումների ծրագրով, Հանրային կառավարման բարեփոխումների ռազմավարությամբ և դրա 2023-2025 թթ. միջոցառումների ծրագրով, կամ որոնք բխում են ՏՀԶԿ, ԳՐԵԿՈ և այլ միջազգային կառույցների կողմից ներկայացված առաջարկություններից և այլ միջազգային պարտավորություններից:

Չնայած բոլոր ջանքերին՝ Հայաստանում հանրային և մասնավոր ոլորտներում թափանցիկության և հաշվետվողականության պակասը, փոխզսպումների և հակակշիռների անբավարարությունը, բարեվարքության թերզարգացած համակարգը շարունակում են խոչընդոտել առաջընթացը: Այս գործելաոճը, զուգորդվելով ինստիտուցիոնալ դիմադրության և բարեփոխումների դանդաղ տեմպերի, նոր կոռուպցիոն սխեմաների ի հայտ գալու և ընտրովի արդարադատության, ընտրությունների ժամանակ վարչական ռեսուրսի շարունակական չարաշահման և բարձրաստիճան պաշտոնյաների ոչ էթիկական վարքագծի դրսևորումների հետ, զգալիորեն խաթարում է կառավարության նկատմամբ հանրային վստահությունը և խանգարում հակակոռուպցիոն օրակարգի արդյունավետ իրականացմանը:

Նշված մարտահրավերների հաղթահարումը պահանջում է համընդգրկուն մոտեցում, որն ավելին է քան օրենսդրական բարեփոխումներն ու ինստիտուցիոնալ հզորացումը, առկա ազգային ռազմավարությունների և միջազգային պարտավորությունների իրականացումը: Առաջընթացի քննարկմանը զուգահեռ այս գեկույցն անդրադառնում է քաղաքականության մի շարք ոլորտներում առկա մարտահրավերներին, որոնք կառավարությունից պահանջում են լրացուցիչ լուծումներ, որպեսզի հնարավոր լինի մինչև 2030 թվականն ապահովել ԿՁՆ բարեհաջող իրականացում:

Ստորև ներկայացված առաջարկությունները ներկայացվում են՝ լրացնելու Հայաստանի ընթացիկ ազգային ռազմավարություններում ներառված և/կամ միջազգային կազմակերպությունների կողմից առաջարկված միջոցառումներն ու պարտավորությունները: Առաջարկվող բոլոր միջոցառումներն իրականացման փուլում պետք է ուղեկցվեն համապատասխան իրավասու կառույցների և անձնակազմերի կարողությունների զարգացմանն ուղղված ինտենսիվ գործողություններով, ներառյալ մեթոդական ցուցումների/ուղեցույցների մշակումը, վերապատրաստումը, փորձի փոխանակումը և այլն: Ի լրումն, Հայաստանում տվյալահեն քաղաքականությունը կատարելագործելու նպատակով խիստ կարևոր է բարելավել վիճակագրական տվյալների հավաքագրումը, կառավարումը և վերլուծությունը:

Առաջարկություններ

1. Ազգային ԿՁՆ գործընթաց

- ԿՁՆ ցուցանիշների մշակման և վերանայման, ԿՁՆ-ի հետ կապված գործողությունների իրականացման և մոնիտորինգի, ինչպես նաև առաջընթացի գնահատման ու ազգային կամավոր գնահատման գեկույցների մշակման գործընթացներում քաղաքացիական հասարակության դերակատարների ներգրավման և նրանց հետ խորհրդակցության համար սահմանել ներառական, կանոնավոր, արդյունավետ և թափանցիկ մեխանիզմներ,
- ապահովել արդյունավետ ռազմավարական հաղորդակցություն միտված ԿՁՆ օրակարգի, առաջընթացի և մարտահրավերների, մարդկանց կյանքի վրա ունեցած ազդեցության, ինչպես նաև քաղաքացիների ներգրավման հնարավորությունների վերաբերյալ հանրային իրազեկության բարձրացմանը:

2. Ընդհանուր զարգացումներ

- գործադրել բոլոր ջանքերը հակակոռուպցիոն օրակարգին աջակցող ազգային ռազմավարություններով նախատեսված միջոցառումները ժամանակին և պատշաճ իրականացնելու համար, իրականացնել բարեփոխումների արդյունավետ մոնիտորինգ և գնահատում, ինչպես նաև, ըստ անհրաժեշտության, ձեռնարկել մարտահրավերների հաղթահարման միջոցառումներ՝ ուղեկցելով դրանք հանրության հետ պատշաճ հաղորդակցմամբ,
- բացահայտել և հասցեագրել կառավարության և հակակոռուպցիոն ինստիտուտների նկատմամբ հանրային անվստահության հիմնական պատճառները՝ հաշվի առնելով ընտրությունների ընթացքում վարչական ռեսուրսի չարաշահման փաստերը, բարձրաստիճան պաշտոնյաների կողմից ոչ էթիկ վարքագծի դրսևորման դեպքերը,

օրենքների և վարվող քաղաքականությունների անարդար կիրարկման և ընտրովի արդարադատության դրվագները, ռազմավարական հաղորդակցության ձախողումները և այլն,

- փոփոխություններ կատարել Սահմանադրության մեջ խորհրդարանական քվեարկության միջոցով՝ առնվազն վերացնելու ԱԺ ձևավորման կայուն մեծամասնության սկզբունքը՝ ուժեղացնելով փոխզսպումների և հակակշիռների համակարգը և բարելավելով խորհրդարանական էթիկայի իրավական հիմքերը,
- ապահովել պատշաճ «տարածք» քաղաքացիական հասարակության և լրատվամիջոցների կողմից առերևույթ կոռուպցիոն դեպքերը հետաքննելու և բացահայտելու համար՝ մասնավորապես, ձեռնարկելով միջոցներ բարելավելու նրանց աշխատանքի համար նպաստավոր միջավայրը, այդ թվում՝ տեղեկատվության պատշաճ հասանելիությունը:

3. Պայքար փողերի լվացման դեմ

- ապահովել ազգային և անդրազգային մակարդակում ֆինանսական կասկածելի գործարքների վերաբերյալ լրագրողական հետաքննություններով բացահայտված փողերի լվացման դեպքերի մանրակրկիտ հետաքննություն,
- վերահսկողության այլ մեթոդների հետ մեկտեղ ձևավորել ֆինանսական մոնիտորինգի և վերլուծության կուռ համակարգ՝ կանխարգելելու պատժամիջոցներից խուսափելու և կեղտոտ փողերը լվանալու նպատակով Հայաստանի ֆինանսական համակարգի հնարավոր չարաշահումը,
- ամրապնդել կրիպտոարժույթների օգտագործմանն ու վերահսկողությանն առնչվող իրավակարգավորումները և կատարելագործել համապատասխան իրավասու կառույցների համակարգերը փողերի լվացման դեպքերը արդյունավետ կերպով բացահայտելու նպատակով:

4. Իրական շահառուների թափանցիկություն

- ապահովել բաժնետիրական ընկերությունների և բորսաներում ցուցակված ընկերությունների իրական շահառուների թափանցիկությունը երաշխավորող արդյունավետ մեխանիզմ,
- մշակել մեխանիզմներ հանրային պայմանագրերին առնչվող որոշումների կայացման ժամանակ կապալառուի փորձը/պատմությունը պատշաճ ուսումնասիրելու (due diligence) և իրական շահառուների վերաբերյալ տվյալները հաշվի առնելու, այդ թվում՝ քաղաքական ազդեցություն ունեցող անձանց հետ փոխկապակցված ընկերությունների պարագայում շահերի բախումը կանխարգելելու նպատակով,
- ապահովել Իրավաբանական անձանց պետական ռեգիստրի տվյալների, այդ թվում՝ բարդ կառուցվածք ունեցող ընկերությունների իրական շահառուների գծապատկերների անվճար հասանելիությունը պատշաճ հանրային վերահսկողություն, մասնակցային և արդյունավետ կերպով տվյալների վերստուգում ապահովելու նպատակով:

5. Գողացված ակտիվների վերադարձ

- բարելավել գողացված ակտիվների բռնագրավման և վերականգնման գործընթացների թափանցիկությունն ու հաշվետվողականությունը՝ ապահովելով առգրավված և հանրային (կամ հավատարմագրային) կառավարմանը հանձնված ակտիվների վերաբերյալ հրապարակայնորեն հասանելի տվյալներ, որոնք առնվազն ներառում են տեղեկատվություն դրանց գտնվելու վայրի, տեսակի, արժեքի, սեփականատերերի, նոր կառավարիչների, եկամուտների բաշխման և այլնի մասին,
- ստեղծել բռնագրավված ակտիվների կառավարման և եկամուտների հատկացման/ծախսման վերաբերյալ որոշումների ընդունման մասնակցային մոդել՝ հաշվի առնելով քաղաքացիական հասարակության համապատասխան դերակատարների կողմից վերհանված կարիքներն ու առաջարկները:

6. Պայքար կազմակերպված հանցավորության դեմ

- իրավապահ մարմիններում երաշխավորել բարեվարքության կուռ շրջանակի ձևավորում և կիրարկման միջոցառումներ կազմակերպված հանցավորության դեմ արդյունավետ պայքար երաշխավորելու նպատակով,
- ապահովել, որ «հանցավոր ենթամշակույթի» ներկայացուցիչների կամ այլ անձանց նկատմամբ քրեական հետապնդումն իրականացվի առանց խտրականության՝ հավատարիմ մնալով անաչառության և արդար վերաբերմունքի սկզբունքներին:

7. Չենքի ապօրինի շրջանառություն

- ձեռնարկել միջոցներ ակտիվների օտարման/հեռացման (disposal) վերաբերյալ որոշումների, գործընթացների և վերահսկողության իրավական դաշտը և գործելակերպը բարելավելու, ինչպես նաև ոչ գաղտնի օտարման/հեռացման դեպքերի ու դրանց ֆինանսական արդյունքների հրապարակայնացման նպատակով,
- կիրառել ռիսկերի գնահատման բարդ համակարգեր, որոնք տարբեր աղբյուրներից հավաքում են համապարփակ տվյալներ, վերլուծում են օրինաչափությունները, անհամապատասխանությունները և անոմալիաները՝ բացահայտելու բարձր ռիսկային բեռնափոխադրումները և առևտուր անողներին, հայտնաբերելու մաքսանենգությունը և այլ խախտումները, կանխատեսելու երկարաժամկետ միտումները և ապագա հնարավոր խախտումները՝ հաշվի առնելով առևտրի ծավալների ավելացումը և նոր միջազգային երթուղիները:

8. Կոռուպցիայի փորձառություն և ընկալումներ

- բարելավել հակակոռուպցիոն բարեփոխումների ռազմավարական հաղորդակցությունը մատչելի (user-friendly) տեղեկատվության ծավալը մեծացնելու և, հնարավորության դեպքում, հետադարձ կապի հարթակներ ապահովելու միջոցով,
- ապահովել կոռուպցիայի կանխարգելման և իրավապահ մարմինների համարժեք արձագանքը իշխանության բոլոր թևերում և մակարդակներում՝ ղեկավար քաղաքական ուժի անդամների և փոխկապակցված անձանց կողմից չարաշահումների բացահայտումներին՝ ապահովելով դրանց վերաբերյալ պատշաճ հանրային

հաղորդակցություն և հետադարձ կապ հաղորդում ներկայացնողների, այդ թվում՝ լրագրողների, ՉԼՄ-ների և ԶՅԿ-ների հետ,

- ներդնել ընտրությունների ժամանակ վարչական ռեսուրսի չարաշահումը արդյունավետ կանխարգելելու նպատակային կարգավորումներ:

9. Հակակոռուպցիոն համակարգ և ինստիտուտներ

- միջոցներ ձեռնարկել՝ երաշխավորելու հակակոռուպցիոն մարմինների ինչպես նաև դատավորների ղեկավար պաշտոնների անկախությունը և արժանիքների վրա հիմնված ընտրությունը,
- ապահովել հանրային ղեկավար պաշտոնյաների (այդ թվում՝ դատավորների) և հակակոռուպցիոն մարմինների հիմնական անձնակազմի ընտրության/ նշանակման/առաջխաղացման/ազատման գործընթացների, ինչպես նաև էթիկայի և կարգապահական վարույթների թափանցիկությունն ու հաշվետվողականությունը, այդ թվում՝ առավել արդյունավետ հանրային վերահսկողության հնարավորության ապահովման միջոցով,
- կատարելագործել Հաշվեքննիչ պալատի կողմից հանրային ռեսուրսները և ծառայությունները արդյունավետ վերահսկելու մեխանիզմները և սահմանել պահանջ բոլոր համապատասխան հաստատությունների համար ապահովելու հետհսկողություն հաշվեքննիչ եզրակացությունների և առաջարկությունների կատարման նկատմամբ,
- ապահովել հակակոռուպցիոն մարմինների արդյունավետ և անկախ աշխատանքը՝ տրամադրելով անհրաժեշտ ռեսուրսներ, այդ թվում՝ մարդկային, նյութական և բյուջետային:

10. Կոռուպցիան մասնավոր հատվածում

- ջանքեր ներդնել Մրցակցության պաշտպանության հանձնաժողովի իրավասության և մեխանիզմների ամրապնդման համար՝ պատշաճ կերպով կիրառելու հակամրցակցային և այլ համապատասխան կանոնակարգերը պետական գնումներում տնտեսական մրցակցությունը պաշտպանելու համար,
- մասնավոր հատվածում ձևավորել բարեվարքության և թափանցիկության խթանման մեխանիզմներ՝ լրացուցիչ ուշադրություն դարձնելով այն ընկերություններին, որոնք գործունեության հիմքում հանրային ակտիվների, օրինակ՝ բնական ռեսուրսների օգտագործումն է:

11. Լոբբինգի թափանցիկություն

- երաշխավորել, որ պետական և ոչ պետական դերակատարների հետ հանրային պաշտոնյաների հանդիպումների և այլ փոխգործակցության թափանցիկության պահանջներն ու ընթացակարգերը չազդեն ԶՅԿ-ների և ՉԼՄ-ների ներկայացուցիչների գործունեության և անկախության վրա:

12. Կուսակցությունների և ընտրարշավների ֆինանսավորման թափանցիկություն

- ուժեղացնել կուսակցությունների և նրանց ղեկավար մարմինների անդամների եկամուտների, գույքի և ծախսերի տարեկան համարժեք և մանրամասն հաշվետվություն ներկայացնելու կանոնները, ինչպես նաև ընտրություններին

մասնակցող կուսակցությունների և առանձին թեկնածուների քարոզարշավի վերաբերյալ հաշվետվողականությունը,

- ապահովել կուսակցությունների ֆինանսների, այդ թվում՝ քարոզարշավի ֆինանսավորման համարժեք վերահսկողությունը՝ վերլուծության և վերստուգման մեխանիզմները կատարելագործելու, հայտարարագրերում և ֆինանսական հաշվետվություններում ներկայացված տվյալների խեղաթյուրման կամ կեղծման, ինչպես նաև օրենքի այլ խախտումների համար վարչական կամ քրեական պատասխանատվության միջոցներ կիրառելու միջոցով,
- ստեղծել ընտրությունների ժամանակ վարչական ռեսուրսների օգտագործման կանխարգելման կուռ մեխանիզմներ՝ ապահովելով ԿԸՀ, ԿԿՀ և համապատասխան իրավապահ մարմինների համարժեք և ժամանակին արձագանքը,
- ընդլայնել «Տեղեկատվության ազատության մասին» օրենքի շրջանակը՝ տարածելով այն առնվազն համապետական կամ տեղական ընտրություններին մասնակցող կուսակցությունների վրա:

13. Պետական կառավարման համակարգի թափանցիկություն և բարեվարքություն

- մշակել մեխանիզմներ՝ ապահովելու հանրային պաշտոն զբաղեցնող անձանց և ծառայողների կողմից հետաշխատանքային գործունեության ընթացքում ողջամիտ «սառեցման ժամկետի» (cooling period) կիրառումը «պտտվող դռների» (revolving doors) պրակտիկայի կանխարգելման նպատակով,
- ապահովել իշխանության բոլոր թևերի պաշտոնյաների, այդ թվում՝ պետական հայեցողական պաշտոններ զբաղեցնող անձանց՝ համայնքների ղեկավարների, 15000 և ավելի բնակչություն ունեցող համայնքների ավագանու անդամների, Երևանի վարչական շրջանների ղեկավարների և այլ պաշտոնատար անձանց շահերի հայտարարագրումը,
- արմատապես վերանայել հանրային ծառայության առանձին տեսակների, այդ թվում՝ Ազգային ժողովի Էթիկայի և բարեվարքության ենթակառուցվածքները՝ ապահովելով գործուն և արդյունավետ համակարգի ձևավորում՝ իրապես բարելավելու հանրային պաշտոնյաների վարքագիծը,
- ապահովել հայտարարագրերի էլեկտրոնային համակարգի հրապարակային և ինտերակտիվ հասանելիությունը՝ օգտատերերին թույլ տալով որոնել և առբերել անհրաժեշտ տեղեկատվությունը հայտարարագրերի բովանդակությունից,
- հանրային ծառայողների նկատմամբ կիրառել բարեվարքության ստուգումների, ինչպես նաև գույքի, եկամուտների, ծախսերի և շահերի հայտարարագրման պահանջ:

14. Ֆիսկալ թափանցիկություն

- մշակել և կիրառել կառավարության ռազմավարությունների, բյուջետային ծրագրերի և ծառայությունների մատուցման նկատմամբ մոնիտորինգում հանրային ներգրավման պատշաճ մեխանիզմներ,
- բարելավել պետական և համայնքային բյուջեների թափանցիկությունը և մասնակցային միջոցառումները, ինչպես նաև տեղական մակարդակում բյուջեի մոնիտորինգի մեխանիզմները՝ ապահովելով տեղական կառավարման հարցերում քաղաքացիների պատշաճ ներգրավվածության պայմանները:

15. Հանրային գնումներ և պետական պայմանագրեր

- իրականացնել նպատակաուղղված միջոցառումներ գնումների գործընթացի բոլոր փուլերում (գնումների պլանավորում, գնումների ընթացակարգերի կազմակերպում, ներառյալ տեխնիկական բնութագրերի մշակում, պայմանագրի ստորագրում, պայմանագրի կատարում և կառավարում) կոռուպցիոն ռիսկերը վերացնելու համար՝ մասնավորապես, հաշվի առնելով մեկ անձից գնումների, քաղաքական ազդեցություն ունեցող անձանց հետ փոխկապակցված կապալառու ընկերությունների և որոշումների կայացման գործընթացներում շահերի բախման հետ կապված ռիսկերը,
- ապահովել բողոքարկման արդյունավետ և արագ ընթացակարգ՝ երաշխավորելով գնումների տարբեր գործընթացները, այդ թվում՝ տեխնիկական բնութագրերի հրապարակումը, գնումների մեթոդի ընտրությունը, պայմանագրերի կնքումը, դրանցում փոփոխությունների/լրացումների, դրանց կատարման ու կառավարման որակը բողոքարկելու հնարավորությունը,
- կատարելագործել գնումների գործընթացներում հնարավոր խախտումների համար կարգապահական, վարչական, քաղաքացիական և քրեական պատասխանատվության համակարգը:

16. Ազդարարում և հաղորդման մեխանիզմներ

- կատարելագործել ազդարարման համակարգը՝ հաշվի առնելով լավագույն փորձը, ներառյալ պաշտպանության ենթակա անձանց շրջանակի ընդլայնումը, հաղորդումների ներկայացման ուղիների և մեխանիզմների կատարելագործումը, ազդարարներին և նրանց հետ կապված անձանց համապատասխան միջոցների տրամադրումը և հաշվեհարդարից պաշտպանության ապահովումը, իրավապահ մարմինների լիազորությունների հստակեցումը, ազդարարներին անվճար իրավաբանական օգնության տրամադրումը և այլն,
- ազդարարման բոլոր ձևերի համար (ներքին, արտաքին, հանրային, ինչպես նաև էլեկտրոնային հարթակի միջոցով) ապահովել իրավասու պետական մարմնի կողմից վիճակագրության կենտրոնացված կառավարումը՝ ներառելով պաշտպանության միջոցների և գործողությունների արդյունքների վերաբերյալ տվյալները, իրականացնելով միտումների պատշաճ գնահատում և համակարգի հետագա կատարելագործմանն ուղղված քայլեր:

17. Հիմնարար ազատությունների պաշտպանություն

- միջոցներ ձեռնարկել երաշխավորելու, որ օրենսդրության ցանկացած փոփոխություն, որը կարող է ազդել քաղաքացիների կամ քաղաքացիական հասարակության խմբերի հիմնարար ազատությունների վրա, պատշաճ կերպով խորհրդակցվի համապատասխան շահագրգիռ կողմերի հետ հետագա լարվածության ցանկացած հնարավորություն բացառելու համար,
- ապահովել, որ կոռուպցիայի դեմ պայքարը ջատագովող կամ դրա մասին հայտնող ԶԿ-ների, լրագրողների և անհատների դեմ բոլոր հարձակումները պատշաճ կերպով և առանց խտրականության քննվեն իրավապահ մարմինների կողմից և մեղավորները, այդ թվում՝ իրավապահ մարմինների ներկայացուցիչները, ենթարկվեն պատասխանատվության,

- ապահովել ընդդեմ անօրինականությունների հանդես եկող, այդ թվում՝ առերևույթ կոռուպցիոն դրսևորումները քննադատող քաղաքացիների պաշտպանությունը գործարար սուբյեկտների կողմից նախաձեռնած՝ հանրային մասնակցության դեմ ուղղված ռազմավարական դատական հայցերից (SLAPPs) և անմիջապես դադարեցնել պետական բաժնետիրությամբ գործող ընկերությունների կողմից հարուցված գործերը:

18. Տեղեկատվության մատչելիություն

- ընդլայնել տեղեկատվության ազատության մասին օրենսդրության սուբյեկտների շրջանակը՝ առնվազն ներառելով այն պետական ձեռնարկությունները, ընկերությունները, որոնց գործունեության հիմքում հանրային ակտիվների, օրինակ՝ բնական ռեսուրսների օգտագործումն է, ինչպես նաև ընտրություններին մասնակցող կուսակցությունները,
- տեղեկատվության ազատության բացառությունների համար սահմանել «վնասի» և «հանրային շահի» գնահատման հատուկ թեստ կիրառելու իրավական պահանջ, որպեսզի տեղեկատվության տրամադրումը մերժվի միայն այն դեպքում, երբ դա վտանգ կպարունակի պաշտպանվող շահին իրական վնաս հասցելու առումով,
- ձևավորել մեխանիզմներ և, ըստ անհրաժեշտության, ինստիտուտներ՝ ապահովելու տեղեկատվության մատչելիության մոնիտորինգն ու վերահսկումը, համապատասխան տվյալների հրապարակումը տարբեր սուբյեկտների, այդ թվում՝ տեղական ինքնակառավարման մարմինների կողմից, ինչպես նաև շարունակել համակարգի կատարելագործումը,
- սահմանել դատավորների կողմից տեղեկատվության ազատության վերաբերյալ գործերի քննության սեղմ ժամկետներ:

19. Բաց կառավարման տվյալներ


- ապահովել, որ պաշտոնական տվյալները բոլոր կիրառելի դեպքերում տրամադրվեն պետական կայքերում «բաց տվյալների» և մեքենայաընթեռնելի (machine-readable) ձևաչափով՝ դյուրինացնելու հանրային վերահսկողությունը և քաղաքականության հետ կապված տվյալների անկախ վերլուծությունը՝ նպաստելով որոշումների կայացման գործընթացներում քաղաքացիների առավել իմաստավորված ներգրավմանը:

ՀԱՅԱՍՏԱՆԻ ԻՐԱՎԱԿԱՆ ՀԱՄԱԿԱՐԳԻ ԳՆԱՀԱՏԱԿԱՆ*

2019-2023

ԿՉՆ ՀԱՄԱԽԱՌՆ ԱՐԺԵՔ

Թիրախ 16.4 Միավոր	82%
Թիրախ 16.5 Միավոր	85%
Թիրախ 16.6 Միավոր	79%
Թիրախ 16.10 Միավոր	75%




ՔԱՂԱՔԱԿԱՆՈՒԹՅԱՆ ՈԼՈՐՏ

Թիրախ 16.4	Թիրախ 16.5	Թիրախ 16.6	Թիրախ 16.10
Պայքար փողերի լվացման դեմ	Հակակոռուպցիոն համակարգ և ինստիտուտներ	Հանրային կառավարման համակարգի թափանցիկություն և օրինավորություն	Տեղեկատվության մատչելիություն
Իրական շահառուների թափանցիկություն	Կոռուպցիան մասնավոր հատվածում	Ֆինանսական թափանցիկություն	
Գողացված ակտիվների վերադարձ	Լոբբինգի թափանցիկություն	Հանրային գնումներ և պետական պատվերներ	
Ձեռքի ապօրինի շրջանառություն	Կուսակցությունների և ընտրաբաշակների ֆինանսավորման թափանցիկություն	Ազդարարում և հաղորդման մեխանիզմներ	

* Այս գնահատման նպատակն է պարզել, թե արդյոք տվյալ երկրի օրենսդրական և ինստիտուցիոնալ հակակոռուպցիոն գործունեությունը համահունչ է միջազգային լավագույն փորձին: Այն չի գնահատում դրա իրականացման արդյունավետությունը օրենսդրական դաշտի համապատասխանությանը:

ՀԱՅԱՍՏԱՆՈՒՄ ԻՐԱՎԱԿԱՆ ՀԱՄԱԿԱՐԳԻ ՉԱՐԳԱՑՄԱՆ ՄԻՏՈՒՄՆԵՐԸ

2018-2023



ՔԱՆԱՔԱԿԱՆՈՒԹՅԱՆ ՈՒՈՐՏ

Թիրախ 16.4	Թիրախ 16.5	Թիրախ 16.6	Թիրախ 16.10
Պաշտոնական կայքի վրա գտնվող փոփոխություններ Գործադիր իշխանության կողմից իրականացվող փոփոխություններ Գործադիր իշխանության կողմից իրականացվող փոփոխություններ Գործադիր իշխանության կողմից իրականացվող փոփոխություններ	Գործադիր իշխանության կողմից իրականացվող փոփոխություններ Գործադիր իշխանության կողմից իրականացվող փոփոխություններ Գործադիր իշխանության կողմից իրականացվող փոփոխություններ Գործադիր իշխանության կողմից իրականացվող փոփոխություններ	Գործադիր իշխանության կողմից իրականացվող փոփոխություններ Գործադիր իշխանության կողմից իրականացվող փոփոխություններ Գործադիր իշխանության կողմից իրականացվող փոփոխություններ Գործադիր իշխանության կողմից իրականացվող փոփոխություններ	Գործադիր իշխանության կողմից իրականացվող փոփոխություններ Գործադիր իշխանության կողմից իրականացվող փոփոխություններ Գործադիր իշխանության կողմից իրականացվող փոփոխություններ Գործադիր իշխանության կողմից իրականացվող փոփոխություններ

* <https://transparency.am/hy/publication/193>
<https://transparency.am/hy/publication/195>